



Na osnovu člana 14.3 stav (6) Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 52/22, 67/22 i 24/24), Uputstva o procedurama za provođenje prijevremenih izbora za predsjednika Republike Srpske broj: 05-1-02-2-753-1/25 od 28.08.2025. godine i Odluke o raspisivanju i održavanju prijevremenih izbora za predsjednika Republike Srpske broj: 05-1-07-1-751-1/25 od 28.08.2025. godine, Centralna izborna komisija Bosne i Hercegovine je na 45. sjednici, održanoj 22.09.2025. godine, d o n i j e l a

UPUTSTVO
o rokovima izbornih aktivnosti za održavanje prijevremenih izbora za predsjednika
Republike Srpske

Član 1.
(Predmet Uputstva)

Uputstvom o rokovima izbornih aktivnosti za održavanje prijevremenih izbora za predsjednika Republike Srpske (u daljem tekstu: Uputstvo), utvrđuju se rokovi izbornih aktivnosti za provođenje prijevremenih izbora za izbor predsjednika Republike Srpske koji se održavaju 23.11.2025. godine (u dalje tekstu: izbori).

Član 2.
(Rokovi izbornih aktivnosti)

- (1) **Prijavu za ovjeru za učešće na izborima politička stranka i nezavisni kandidat** podnose Centralnoj izbornoj komisiji Bosne i Hercegovine od 25.09.2025. godine do 29.09.2025. godine, do 16.00 sati.
- (2) **Prijavu za ovjeru za učešće na izborima koalicija** podnosi Centralnoj izbornoj komisiji Bosne i Hercegovine u periodu od 06.10.2025. godine do 07.10.2025. godine, do 16.00 sati.
- (3) **Prijavu kandidata za predsjednika Republike Srpske ovjereni politički subjekt** podnosi Centralnoj izbornoj komisiji Bosne i Hercegovine, u periodu od 10.10.2025. godine do 14.10.2025. godine, do 16.00 sati.
- (4) **Krajnji rok za registraciju novih birača koji glasaju izvan Bosne i Hercegovine** na izborima je 14.10.2025. godine u 24.00 sata.
- (5) **Žrijebanje za utvrđivanje redoslijeda političkih subjekata na glasačkom listiću** obaviti će se u sjedištu Centralne izborne komisije Bosne i Hercegovine u Sarajevu, Danijela Ozme br. 7, dana 15.10.2025. godine u 11.00 sati.

(6) **Centralna izborna komisija Bosne i Hercegovine imenuje predsjednike i zamjenike predsjednika biračkih odbora**, najkasnije u roku od 30 dana prije dana održavanja izbora, odnosno do 24.10.2025. godine.

(7) **Objava konačnih listi kandidata u službenim glasilima** obaviti će se najkasnije 20 dana prije dana održavanja izbora, odnosno do 03.11.2025. godine.

(8) **Centralni birački spisak** se zaključuje 20 dana prije dana održavanja izbora, odnosno zaključno sa 03.11.2025. godine u 24.00 sata.

(9) **Objavljivanje broja upisanih birača u Centralni birački spisak** obaviti će se u roku od 17 dana prije dana održavanja izbora, odnosno najkasnije do 06.11.2025. godine.

(10) **Obuka predsjednika biračkih odbora** održat će se u periodu od 30 dana do 15 dana prije dana održavanja izbora, odnosno od 24.10.2025. godine do 08.11.2025. godine.

(11) **Imenovanje članova biračkih odbora** provest će nadležna gradska izborna komisija u skladu sa sljedećim rokovima:

- a) Izborna komisija **imenuje članove biračkih odbora** i dostavlja akte o imenovanju članova biračkih odbora Centralnoj izbornoj komisiji BiH, najkasnije u roku od 15 dana prije dana održavanja izbora, odnosno do 08.11.2025. godine.
- b) **Obuka članova izborne komisije** održat će se u periodu od 20 dana do 16 dana prije dana održavanja izbora, odnosno od 03.11.2025. godine do 07.11.2025. godine.
- c) **Obuka članova biračkih odbora** održat će se u periodu od 15 dana do 7 dana prije dana održavanja izbora, odnosno od 08.11.2025. godine do 16.11.2025. godine.

(12) **Određivanje lokacija biračkih mjesta, objavu i dostavu podataka o određenim lokacijama Centralnoj izbornoj komisiji Bosne i Hercegovine**, nadležna gradska izborna komisija obaviti će najkasnije u roku od 15 dana prije dana održavanja izbora, odnosno najkasnije do 08.11.2025. godine.

(13) **Štampa izbornog materijala** izvršiti će se u periodu od 23.10.2025. godine do 17.11.2025. godine, a **dostaviti će se** izbornoj komisiji najkasnije do 20.11.2025. godine.

(14) **Medijsko predstavljanje političkih subjekata** počinje 15 dana prije dana održavanja izbora, odnosno od 08.11.2025. godine.

(15) **Neposredno obraćanje političkih subjekata putem elektronskih medija** počinje 15 dana prije dana održavanja izbora, odnosno od 08.11.2025. godine.

(16) **Centralna izborna komisija Bosne i Hercegovine će posebnom odlukom formirati Glavni centar za brojanje** najkasnije 15 dana prije dana izbora, odnosno do 08.11.2025. godine.

(17) **Zahtjevi za akreditiranje posmatrača političkih subjekata** podnose se izbornim komisijama najkasnije 15 dana prije dana održavanja izbora, odnosno do 08.11.2025. godine.

(18) **Zahtjevi za akreditiranje posmatrača udruženja** podnose se Centralnoj izbornoj komisiji BiH najkasnije 15 dana prije dana održavanja izbora, odnosno do 08.11.2025. godine.

(19) **Zabrana objavljivanja rezultata ispitivanja javnog mnijenja** počinje 48 sati prije otvaranja biračkih mjesta i traje do zatvaranja biračkih mjesta, odnosno u periodu od 21.11.2025. godine u 07,00 sati do 23.11.2025. godine do zatvaranja biračkih mjesta.

(20) **Zahtjevi za akreditiranje međunarodnih posmatrača** podnose se Centralnoj izbornoj komisiji Bosne i Hercegovine sedam (7) dana prije dana održavanje izbora odnosno do 16.11.2025. godine, izuzetno jedan (1) dan prije dana održavanja izbora, odnosno do 22.11.2025. godine.

(21) **Izborna šutnja** počinje 24 sata prije otvaranja biračkih mjesta i traje do zatvaranja biračkih mjesta, odnosno u periodu od 22.11.2025. godine u 07,00 sati do 23.11.2025. godine, do zatvaranja biračkih mjesta.

(22) **Unos i obrada rezultata izbora elektronskim putem** vrši se od 23.11.2025. godine u sljedećim rokovima:

- a) prikupljanje obrazaca sa biračkih mjesta od 20,15 do 20,45 sati
- b) unos rezultata od 20,45 do 21,00 sat
- c) objava preliminarne nezvaničnih i nekompletnih rezultata izbora najkasnije do 24,00 sata.

(23) **Birački odbori vrše dostavu rezultata glasanja i kompletan izborni materijal** do nadležne izborne komisije, najkasnije u roku od 12 sati po zatvaranju biračkih mjesta, odnosno do 24.11.2025. godine do 7,00 sati.

(24) **Izborne komisije predaju izborni materijal** koji se broji u Glavnom centru za brojanje, kao i zapisnike sa objedinjenim zbirnim rezultatima glasanja na nivou osnovne izborne jedinice, Centralnoj izbornoj komisiji Bosne i Hercegovine u roku od 12 do 24 sata po zatvaranju biračkih mjesta, odnosno 24.11.2025. od 07,00 sati do 19,00 sati.

(25) **Krajnji rok za prijem glasačkog materijala za glasače putem pošte** je pet (5) dana od dana održavanja izbora, odnosno, zaključno sa 28.11.2025. godine, sa otiskom pečata pošte zemlje/bar koda sa datumom ne kasnijim od datuma održavanja izbora.

(26) **Utvrđivanje i objavu rezultata prijevremenih izbora**, Centralna izborna komisija Bosne i Hercegovine obaviti će najkasnije u roku od 20 dana nakon dana održavanja izbora, odnosno do 13.12.2025. godine.

(27) **Podnošenje zahtjeva za ponovno brojanje glasačkih listića** vrši se u roku od tri (3) dana od dana objave utvrđenih rezultata izbora.

(28) Nakon isteka roka i pravosnažnosti odluka po žalbama, Centralna izborna komisija Bosne i Hercegovine potvrditi će rezultate izbora i objaviti ih u službenim glasilima.

Član 3.

(Stupanje na snagu i objava u službenim glasilima)

Ovo Uputstvo stupa na snagu danom donošenja, a primjenjuje se od 25.09.2025. godine i objavit će se u “Službenom glasniku BiH”, “Službenim novinama Federacije BiH”, “Službenom glasniku Republike Srpske”, “Službenom glasniku Brčko Distrikta BiH” i na internet stranici Centralne izborne komisije Bosne i Hercegovine, www.izbori.ba.

Broj: 06-1-07-1-832-1/25

Datum: 22.09.2025. godine



Predsjednica

Dr. Irina Hadžiabdić